

新州志卷之十五

知新州事嶺西封蔚初纂修

人物志

正直

法語之言人猶從之矧以身率物與上者服其教次亦畏其知老成典型有裨風化至今存可也志正直

明

王恭字德温方正不阿人有假貸不償者輒焚其券子翰歷敷中外所在稱骨鯁人以爲有德温之風焉孫

新州志

卷十五

正直

儼歷任知府

史朝貞號介臺中萬歷戊子京闈鄉試負性剛直宦成歸里與人言色不苟時事有不便者輒持正議爭之無所避諱鄉里多倚賴而執政亦增畏敬焉

陳華字仁所州諸生潛心於學詩文力追漢唐善訓俗時稱古君子

孔庭訓字聞卿州諸生少負雋才李少司馬及副憲公甚器之諸子姪奉爲師生平篤氣誼惡惡甚嚴落落寡所與萬歷丙辰大司農吳公長谷倡議築浮玉磯

建文昌閣紳士推訓爲首事

陳禮號瑞菴少通經史善屬文年十六郡試第一補諸生鄉闈屢躋遂杜門却掃風族以正

嚴政荆府醫士家貧甚好學能詩出入府禁一無所苟荆國重其爲人以田給之年九十卒

陳一元字不息郡諸生其父仁民以疾解組伏枕八年一元善養之人咸稱孝好古籍謝絕賓客言笑一無所苟

沈士望字公輔州諸生才學優長留心時務崇禎間詣

蘄州志

卷十五

正直

二

闕上書名見授兵部叅軍詩詳藝文

陳信號恂齋恂恂謹飭雖獨處必正襟危坐無跛躄容弟書年十八爲諸生窮經至嘔血不輟兄弟學行爲時所重云

胡其志字存雅太學生夙負氣節遇事抗直敢言癸未避賊於蘇家山被執其志曰釋我妻子奉母歸吾願荷戈賊許之行至五里腦默計母可免乃罵賊死妻張氏撫子世煜世炳以節終

陳其効字無功號勤菴讀書數行下爲州諸生有聲明

季賦陷避亂於牌石地方慷慨悲歌坐水中而死
陳其瑜字拱珍存心仁厚居渴口鎮路當孔道雨苦泥
濫出貲數百金修石路建石橋又貧死無殮者施與
喪具捐河西地十餘畝爲義塚山遠近德之明季死
於賊

國朝

張效鍊字治仲思齊孫以副榜授浙江平湖縣丞人不
敢干以私署桐鄉縣篆值歲饑開倉發賑然後上聞
去桐日民勒石紀政後解組歸以正自守梓里憚之

蘄州志

卷十五

正直

三

王協字恭男號約菴雋才博學由明經授華亭令疎狂
自喜不顯任吏偶與當事齟齬遂拂衣歸居蘄城之
南山以詩文自娛著有約菴集

熊轍字復由幼讀書敦氣節不苟委蛇于時弱冠爲諸
生時多寇難棄筆覲學劍談兵爲左右射崇禎癸酉
丙子兩中武榜授南京守備練兵訓卒慨然以疆圉
爲任

劉匡生字生生正直好義鄉里咸倚重之中順治甲午
鄉試未仕卒子戩諸生孫文起康熙己卯舉人文超

歲貢生曾孫价丁酉舉人

韓宗愈字又昌副宗友次子 恩廕廣西陽朔縣令性

剛直不屑夤緣當事會吳逆兵起愈抗節不屈死妻
李扶柩歸葬

張正鼎字若鉉增生弟正鼐早逝姪啟疆甫數齡正鼎
撫而教之登康熙乙酉賢書族戚有急常傾囊以助
極力幹濟雖瀕於危不悔捐產作通族祀田綜理家
政庭內肅然子三啟翼另傳

馮以泰字彙升大司寇天馭曾孫州學生性端方兄弟

蘄州志

卷十五

正直

四

以詩文相砥礪制行悉遵祖訓弟以觀由拔貢任常
寧教諭子煥州學生焜諸生姪炯康熙乙酉副榜

吳善玉字百美太學生操行耿介率子弟以正尤樂施
與里中農有苦無牛者輒買與之嘗載麥泊陳子鎮
值水荒貧民絕食持券乞貸者百餘家玉慨應之如
期徃貸者貧難給也遂火其券以歸

王志搏字公遠爲諸生不得志於主司赴國子考授佐
郎尋以疾歸督家政課四子皆成名居常善決事不
少阿曲戚里有屈於理者畏其知好施與出貲建滯

源口螺絲港二涼亭及橋路行旅德之北上時有婦泣於橋詢之乃貧家婦也夫亡翁姑將嫁以自膳訪諸鄰如其言遂見其翁而慨然厚與之囑成其志衆皆感而泣謝焉

張爵字浴亨郡諸生氣概豪邁不拘繩尺然諾取與雖小必斷以義聞人過輒面責無隱人亦不憾一時比之王彥方云

陳國棟字懷玉號待菴諸生性方嚴不苟同流俗年方十三失母哀感如成人家隸衛籍順治癸巳經畧洪

蘄州志

卷十五

正直

五

承疇督師湖南路催漕急時國棟年甫冠侍其父挽運涉大江洞庭之險風惡與湖神盟願就溺無驚乃翁少頃風定卒無患鄰艘咸賴之晚年蒔花種竹招集名流咏歌忘倦年六十七無疾卒

陳正誼字右商號純菴剛直公平不阿流俗中康熙甲子鄉試授辰州府沅州學正當事有缺失正言不諱以丁艱復補授棗陽教諭致仕歸鄉里咸畏重之

田際泰字亨若號端巖郡增生素行端潔族里有紛爭一言解之皆帖服晚乃葛巾芒屨逍遙遊咏有古君

子風

黃錦字雲織爲人有膽畧尙氣節不踰繩尺崇禎癸未賊陷蘄州大肆屠戮錦被執不屈賊壯而釋之順治初爲州諸生四子皆著名

呂呈瑞字輯五文名噪蘄黃間性方嚴僮僕多才排難解紛不遺餘力由例貢授訓導未仕卒子玠另傳

王藻字秀友州諸生以正自守族黨有爭賴其一言康熙癸未舉鄉飲介賓州牧劉顏其堂曰今之彥方

張世升字秦瞻號岱巖承瑞子年十六爲諸生隨父歷

任剛魯歸曰囊橐蕭然閉門守寒素風性直常面斥人是非族黨憚之教四子極嚴出入坐立不假聲色陳欲瑞字覲牧太學生學博常之四子好古能文書法尤工篤施與里中貧不能娶者輒解囊助性質直率族屬以正家政肅然

陳正經字綸章太學生少有籌幹讀書明大義然諾取與雖小必出於正年十五代父理戶事爲族人輸丁費三十年會各屬丁隨糧派經力勩其事爲士民倡州人德之子履中乾隆乙丑進士任貴池知縣

王鎬字夔韻號西周永圻次子貢生少能文晚工書法
遊歷江淮貴介咸推重之授荊州府學訓導以老辭
馮熹字彤友天馭元孫州學生臨事不苟族人矜式之
雍正己酉全叔父及弟姪輩捐銀佐修學宮當事以
優行舉

陳肇元字普資州學生數躋棘闈遂援例入成均考授
縣丞廣交遊重然諾每值歲饑輒減價出售未任卒
張正問字象清嘗讀書城南鉢蓮菴至夜分不寐僧憫
之暗爲驅蚊弗覺也中康熙癸巳鄉試分習刑部清

蘄州志

卷十五

正直

七

勤供職守正不阿以勞邁疾卒

陳治猷字贊侯號抒懷士循長子由貢生授應山教諭
歷任三載以正自守不私請謁修學宮獎拔寒俊邑
有陳生者貧而嗜學年五十未娶適生往江南過蘄
治猷父以四十金贈生生大駭曰兒書問中有請助
君娶語勿卻也遂得娶以歸子文獻縣丞文藻光祿
寺署丞

張溥字廷弼號靜菴諸生少嗜學步趨不苟建義塾課
宗族秀良給貧者以膏火復捐金置祀田春秋餘費

存濟族人

王有信字立誠號恪齋貢生少失怙奉母無違禮教弟以正家素饒貲尚節儉視義爲贏縮時州多創建如修學宮浚隍渠諸務捐千金不惜

王有斐號竹齋少失怙事兄甚謹援例授州同教五子寬嚴有方皆成材性尤好施歲饑減價平糶以濟閭里累捐多金以襄公事乾隆甲子舉鄉飲大賓

張杓字魁先由例監考授縣丞負氣節英資磊落臨事不苟遇人有機辨一以情理折之靡不帖服行誼爲

蘄州志

卷十五

正直

八

鄉里所重

張協占字咸卜號吉菴州諸生丰采踔厲能文章歷試不遇閉戶著書自娛乾隆甲子公舉鄉飲介賓州牧蔣重其人爲給匾

湯周明字融遠號坦菴太學生家世素封抗直有幹畧見義輒勇爲收卹族鄰常待舉火尤重文章氣誼周明卒州士夫暨宗族鄰里咸爲之哀輓

陳於梁字奕山幼失怙事孀母以孝養得其懽心佐兄理家政事無大小悉稟命行友愛季弟尤爲篤至由

太學生考授州同性好施予每值歲歉指困廩減價以糶族黨中貧不能舉火者周給之無德色家本衛籍屯務瑣細勾稽出納一稟於公遇人無少長悉遵禮法

王世泓字希曾號蓮溪州學生負雋才沉潛經史與李生槃善日久往還課詩文暇卽揮麈佐飲相誠勿預外事雍正己酉以優行舉

王鎮字藩臣少攻舉子業試輒前茅旋援例入太學爲人慷慨急公州當事每有刵建多資其力樂施予每

蘄州志

卷十五

正直

九

歲必合藥煎膏以療人疾苦歷三十餘年不懈

黃載安字東鎮號墨齋太學生精秦漢篆著有印原十冊生平取與不苟急於公事州牧多委任之修學宮浚隍渠及書院諸務載安經營如家事勞瘁卒

李澤湘字荆南性方正嘗謂讀聖賢書期於能行生平言行必法交遊不苟母病不寢不食及卒以哀毀致嘔血尋卒於苫次妻邱氏勵志苦節撫二子成立

張燕字名儼太學生操行耿介有古君子風處族黨以身範物不失尺寸人有過失私畏其知孝事母扶持

抑搔必敬嘗修合濟橋與陳欲珍共捐金數百

張翼字仲恕士淑曾孫以歲貢授咸寧訓導蒞任後約學條數則以身先之士習蒸然丕變尋以疾卒於官

王思孟字近聖州學生爲文有逸氣兼工詩賦制行端

方里中優禮之延課子弟研究無虛晷

張世琬字映璧由太學生考授縣丞性剛直爲族里所憚服生平樂施與歲癸亥大饑琬竭廩穀平價以售州牧給額獎之

張元勳字翼周州諸生性直不可犯倡行義舉族鄰有

蘄州志

卷十五

正直

十

公正稱

胡鼎元字登二州諸生與知名士相砥礪學益大進選吉擇地動遵禮法

駱呈玖字輝吉以正自守取與分明設家塾延師課子不聞戶外事

張瑗字則玉太學生居嘗寡言遇排解紛爭輒持正論屈者畏服

胡璿字璿公州諸生自幼不與羣兒伍父母鍾愛之下帷攻苦期振厥家

陳聖泰字子宜州諸生母歿父理家政常抑鬱聖泰善承意旨得歡心婦克相之晚益以正直著

張爲煥字光溥太學生嘗謂讀聖賢書知之非艱行之惟艱篤行誼然諾不苟

張國翼字雲翥諸生性剛直人莫敢以非分干有爭者質之輒解爲州牧李所知欲以優行薦會李擢撫州郡丞去旋卒翼走賻千里且鐫其政蹟以傳晚鑿靈巖寺險以利行人

陳範字叙淇杜門不與外事嘗書朱氏家訓及諸格言以自警鄉鄰推重

陳視古字鏡書太學生理家政俾諸弟得肆力於學爲人公平正直族鄰推服

易德邁字陶希父時憲門下多俊彥德邁砥礪以成其學因素善病遂精岐黃術生平以禮自持舉動不苟田用中字思舜國學生執父母喪皆如禮事兄如父率子姪以正與兄僕合捐田助書院膏火

裴天明字才高有貧家鬻婦天明給貲完聚之子向化並給田數斗康熙間舉鄉飲

陳鰲號普菴國學生爲戶長以正服人修廟學以經費不敷用多所指墊詳碑記

陳琛字憬菴州貢生性剛正不阿流俗族里事多就正抱曲者望廬而返兄歿撫姪如子

汪鵬字元龍號騰九勤學敏於文中康熙丁酉舉人性方嚴族里咸敬憚之揀選知縣未仕卒

熊慶源字衍長穎敏力學弱冠受知於太守康以大器卜之中雍正乙卯鄉試有介行揀選知縣未仕卒

以上錢志

蘄州志

卷十五

正直

十三

黃鳴鳳字集三廩生嗜學能文家貧甚不受人餽遺亦不投足豪門其從弟某以墨史生活鳳雖飢不食其食偶遭婦女於道則謂世風不古感而泣下其生平境况惟書床茶鐺清風明月而已

陳良翮字鵬程乾隆乙卯副榜就職教諭年少理戶事建祠興祭正直公平督率子弟講學不倦弟良翰子寶暨蓮孫元甲俱諸生

胡愿字汝誠號謹堂薰之子生平然諾不苟居鄉以息爭救急爲心會歲凶竭貲運麥以濟貧者飢民賴以

生活以歲貢授荊州訓導訓諸生以人倫學術相勵
年七十二卒於官

袁培松號石齋國學生爲人岸然負異有古高士風讀
書期學聖賢執親之喪不露齒者三年既葬廬於墓
遇國制則易服而泣如喪考妣然兄弟之間財產不
以自私見世俗磨春爲害著風水本義一書以斥形
家之非居常閉戶絕少知交人罕有識之者

張寅國學生明通正直萬南泉贈有推重鄉國匾額虞
山錢公修志徵爲採訪生子二長良木 恩貢著有

新州志

卷十五

正直

三

松亭文集次良朱入太學積學以內行著鄉黨無間
言學正王賜孝義堪欽額文二子長如輝有還醇山
人詩文集次如照庠生有月軒文集照子意森廩生
意元增生

駱上達號亥峰邑增生少從萬南泉太史游深器重之
與姪庠生見唐國學生見準見儒輩正直見推族郇
嚴氣正性惡少望而憚之事後母盡孝人無間言晚
歲闢地爲家塾聘師教讀建望岡亭擁翠園植各種
甚多以爲游息之所子天驥孫沛鴻爲邑名諸生會

孫定偉庠生定侯 道光乙未武舉 以上潘志

吳炳城字聲律號丹山庠生父燮爲州名諸生早卒時城年十七卽理戶事猶復奮志詩書性質直有幹畧里黨忿爭事質之一言立解以外孫駱敏修貴

誥贈奉政大夫子楚珩州增生孫朗同治甲子副榜通山縣教諭

王映熊號菊溪諸生性樸直居白沙河鍵戶讀書比隣罕識其面族里有不臆者私爲之語曰無令王某知也其感人多類此

蘄州志

卷之五

正直

十四

李宗嶠號戴鼈性質實處世無阿私道拾遺金卽棄不去待其人而返之時服其正弟宗嶼亦以剛正聞鄧家駒號千里例貢生居鄉公正排難解紛人無不服嘗於三寶菴側拾數金鎮日俟遺金者不至乃以金歸僧人稱其直子玉書太學生

吳敏號斐漪諸生 恩賜副榜生平重孝友崇質直有以財請託者峻拒之年八十有七卒孫煥雯諸生李人瞻字民則性慤直無徑行族里有不法者秉正格責人咸畏服一鄉稱正士焉

龔元望名烈太學生性嗜學涉獵羣書爲文必宗先正
中年課子經史諸書皆手鈔授讀雖酷暑嚴寒無少
間待人以正族里有不韙者輒面折之咸豐間襄辦
團防罵賊殉難士林歎惜子二長宗遂廩生次宗堅
例貢生

李興憶號南坡太學生世居蘄州青山鄉後流寓英山
生有異稟讀書目數行下家居課子孫曰汝輩學作
文先作人人無他恃此心耳家政肅穆鄉里化之性
好施與遇歲饑倡賑多所全活他若設義渡修廟宇

蘄州志

卷之十五

正直

十五

除治橋梁道路諸善舉詳載英山志流寓傳生子五
咸率其德三子克鳳字丹山以孝稱爲人樸厚剛直
讀書一務躬行尤惜字紙晚年尙時負布囊徧至鄉
塾收弃彙而火之送其灰於河歲率爲常同治甲子
捻匪肆擾家人昇走山谷中猝遇害孫九樹滋務滋
德滋均諸生曾孫十餘人士彬進士改庶吉士現官
監察御史士標士柳均太學生士琳諸生

陳疏定號車泉太學生性嗜學喜購書所得多先儒語
錄操履清潔與人接惟以正誼相助子弟難馴者未

嘗厲辭訶責見之自莫敢仰視每有紛爭得一言立解里中賢達咸推重之子良雨監生有父風孫祚芳廩生雲馥雲芬俱貢生

鄧謙號虛齋太學生品端行正道光壬寅歲饑有劉某强悍多詐脅饑民爲亂謙乘其無備縛劉送州治罪並以冊部焚之禍遂解人皆德之子兆蘭歲貢生文林五品銜錦堂諸生上林太學生

朱本璐字鳴珂太學生性嚴正鄉里有爭者力爲排解人咸德之爲族師仿讀法制以約子姓數十年鮮有不謹者子啟諸生

洪致忠號漢臣布衣有隱德解紛排難鄉里翕服時有語曰官事不成中有漢臣晚年徜徉山水自定佳城青鳥家羣謝爲弗及云

方標諸生性篤實嘗路拾遺金反之從遊有寒素者弗取修脯足未嘗履公庭恒手一編弗釋子渙諸生有父風孫華諸生 恩賜副榜

朱仲祠號龍門太學生居鄉嚴正遇事無阿比薰德者多善良每歲凶貧民苦穀乏桐減價按時分售不能

償者聽人咸賴之子今元舉人鼎元歲貢生啟元孫
尊程師程俱諸生

鄧世翼字鵬程從九品性質直

與兄世顯弟

世璜交相友愛遇鄉里義舉資助不吝歲饑貸人錢
穀不盡取償卒年八十一子五人均有父風

王士達號宗溪廩生性方正七世同居內外嚴肅終日
靜坐風度端凝表率後進惟以挽回頽風爲己任至
今士類稱其規範猶敬慕焉子紹沂孫肇翔俱諸生

徐同春庠生爲人正直不避權勢賊擄弗屈生子五以

蘄州志

卷之十五

正直

十七

耕讀爲業年八十而終

陳居正號竹亭好讀書力敦品行不阿意苟合亦不輕
摘人短教授生徒數十年以布衣老與妻胡氏俱年
逾九十終

蔡理志號習聘秉心梗介處事公鄉黨有不睦者輒面
折之孝事父母厚待戚族子八人孫曾數十人有節
烈者有篤學爲諸生者人咸稱爲志之遺訓焉

張鳳翽號曉台以府首入泮善屬文學使鮑以大家日
之性和介心無城府遇事有節捺年八十卒

陳開桂太學生少精文律艱於遇以孝友廉正爲里黨
矜式子慶鸞以府首列諸生

汪忠麟號良瑞少理家政崇忠厚好拯人貧困州人士
以長者稱之學憲王有譽洽鄉評額獎子利通太學
生有父風益崇鄉望

劉之遴太學生剛正不阿鄉族有不平事就理之無不
折服以去經理祖祭捐資無吝色嘗施山爲義塚旅
人無葬所者胥賴焉子聯魁 芳俱諸生

江見龍號海門太學生授武畧騎尉推食卹鄰督譜收

蘄州志

卷之十五

正徂

六

族見里中越分者卽勸誡之姓名幾畏龍知人嘗擬
之王彥方云學憲王以濟陽風古額獎

胡定愷號正亭武生守正不阿善排解人有爭競質之
聞其言率多讐服子四秉榮 同治甲子武舉餘俱武
生

范世祿號雲峯太學生豪爽有風概居鄉以敦本睦族
爲重子弟有不率教者面斥其非子三永全步鰲俱
諸生永炳太學生

陳雲路號理區太學生俊爽端亮與人言善於開陳事

理是非曉然聞者心折尤培植祀產族人皆欽慕焉
朱萬登性剛正好培祖壠置祀田歲饑減價平糴里中
陳氏青年苦節或欲奪其志陳抱週歲孤子詣登泣
訴登稟州主給氏憑得全其志五代同堂卒年九十
有一

張雲錦號綺蘭增生植品端潔居鄉多指陳大義雖桀
驁者聞言輒化嘗手輯家乘列忠孝節烈文章等類
各數十條咸精當咸豐間孫諸生星煒出其稿族人
遵之永以爲式著有豫素堂集

蘄州志

卷之十五

正植

十九

陳序賓號佑賢性誠慤能文章屢試不售家居授徒爲
生活計洞明大義里中事無巨細咸樂就剖決無不
帖然服者年五十八卒子殿槐歲貢生

陳曷熙號曉桐髫年嗜學無間寒暑性方正不阿見人
過輒面斥之年三十二卒子慶榮例貢生孫錦泉諸
生文蔚廩貢生孝廉方正

陳縉號濟兮附貢生性嚴耿矩步規行不苟嘗笑尤善
排解鄉里忿爭者得其一言輒定年六十二卒

胡漸元號莘溪武生植品端方不苟言動教子弟必以

正延師課讀倍極慇懃子四長子樹滋太學生與兄
爲嗣坦直無私遇事善排解族黨咸以正士稱次子
茂林歲貢生郎廉訓導孫壬濟諸生

裴善進字岸登從九品進士慷慨敢言族里憚服
朱時宜少孤貧足不履城市意然諾遇事尤持正有石
某墓數塚子孫遠遷碑已仆毗界者將沒其塚宜力
止得保其墓孫蘭陔諸生

田 郊號巨甫衍聖公府屯官少躡場屋因授徒課子
講求躬行心得之學廉介剛正鄰里皆敬憚之子兆

蘄州志

卷之十五

正直

二十

松諸生

胡佐仁號德心歲貢生嚴正自持未嘗苟言笑授徒鄉
里惟以敦品勵行爲先務鄉試四薦不售士林惜之
年逾八旬卒

葉秉貞號小山太學生少穎悟屢試不利遂棄舉子業
主持家政族隸衛籍承辦漕務出納不苟咸豐五年
髮逆上竄助資團練賊怒焚其室力戰不退保全鄰
里方伯唐公駐軍大同鄉諭辦軍需不告勞亦無私
見同類咸悅服焉

吳珩號尙德太學生剛正不阿人莫敢以非分干雖強
且悍者未嘗不以知其姓名爲恥也其以嚴見憚如
此

何之望號裕菴性慷慨好施家貧每以不獲肆力於學
爲恨凡士有積學能文者輒喜從之游迨遣子出就
外傳歲時束脩雖拮据萬端不敢不加厚焉子聰諸
生明咸豐辛亥舉人孫敷廩生

駱鴻緒太學生性端重不苟言笑嘗出藏鏹爲族人解
冤獄不責償兄佑賢中年無子爲之娶妾後子孫林

蘄州志

卷之十五

正直

二

立時以爲非緒待兄之誠不至此

貢金太學生守正不回有妖僧燒香聚眾請於當路遣
散之嘗置田課備普濟渡橋修造費尤篤念宗支爲
族某娶妻生二子延兩房似續至今頌德不衰

貢崑岡太學生性剛毅不屑時趨生平尊禮師儒惻欵
備至子元龍庠生

張國耀號溫賓性嚴毅不屑與流俗伍善治家八十餘
口內外整肅五代同堂年八十有七人以爲有公藝
遺風云

貢斯學秉公持正爲鄉里所欽重好讀書尤潛心毛萇之學家居教授凡貧而能文者必獎借曲成之束脩不計子兆元有父風馳贈武德騎尉

王象南號星農諸生品正行端有光明磊落之概爲學枕經菲史無間晨夕凡族黨遊庠者俱出其門下

姜輔周制行耿直咸豐間髮賊竄蘄周被執不屈賊義之釋歸里黨稱之

吳雁題號唐人諸生質直和平遇鄉里紛爭事善爲解釋尤敦根本置祖產累數百租晚歲以醫道濟人不

蘄州志

卷之十五

正徂

二二

辭勞瘁近地因家貧溺女者嘗出貲救止之卒年八十有五子大瀛州同銜

洪太倉號心素例貢生和厚端方家世素封文史外他無所好敬禮師儒樂解人紛難有長者風子錫疇廩生

杜翹楚郡庠生孝友端方爲閭里表率性好施與每值歲暮卽散錢米分給貧乏鄉黨德之學政王給以孝友咸欽額

陳履泰字佩紳號曉湖中書科中書銜性耿直好讀書

小試屢拔前茅後貢成均五赴秋闈不遇居鄉無所
阿避與文士往來談讌無虛日里中無行者面斥之
卒年七十有三子台舉人

繆應南號漢槎諸生性戇直人不敢干以私繆氏遷蘄
百年來祠宇缺如南建議倡修不數月而葺事至揭
債鬻產不悔也卒年四十八

胡尙賓號太學生居心正直以禮讓化族里咸豐
間髮逆擾蘄眾洶洶賓曉以大義族無一人從逆者
年八十餘卒

蘄州志

卷之十五

正直

二三

孫時鵬號雲衢諸生性方嚴言笑不苟見人過輒面斥
羣情允服取與必以義耄期好學不倦教人多所裁
成年八十餘

黃雲鴻字漸遠號吉雲性坦白與人無猜忌剖決鄉鄰
曲直胥得其平延師課子禮貌甚恭初應童試屢列
前茅後援例入成均弟雲鶴貴顯鴻成就之力居多
賜封朝議大夫

李人濟號鴻澤性端方言動不苟嘗以忠厚自勵並以
勵人里有受屈事濟力剖其誣或以財賄屬托則面

斥之故鄉居有正人之目

繆明滄字漢東太學生敦品立行與弟時太萃與友愛
領漕運十餘年歷無貽誤子千總銜珍等能繼其志
學憲王以喬梓齊芳額獎孫正銓太學生

葉泰初號樹門積學不遇以教讀爲生計性嚴正排難
解紛鄉里咸敬憚之

方時憲號誕崖太學生品正行端敦族誼居鄉多排解
有善人之目孫凌漢諸生

田義正號正甫性端方遇事不苟又嘗閱瀕湖醫方錄

蘄州志

卷之十五

正直

二四

以送人生平尤尊禮師儒年九十三卒子光燧諸生

李兆麟號原堂國學樂易近人然秉性耿介靡所阿徇

與弟從九瑞麟以孝友聞尊師重道子爲章廩生

方杞梓太學生九試棘闈未售性質直凡人有非禮事

望之若浼族里子弟衣冠有不整飭者卽面斥之無

隱其爲人大都類是

胡顯堯號樂三太學生性端方不苟言笑凡族黨中事

排解爲多無阿徇人稱其直子佩瑛諸生

張宗江諸生性骨鯁凡公事獨任之無私見人以旨稱

高潔

澹於榮利環堵晏如古稱達觀之士非耶蘄地饒佳山水蒔花種竹飲酒賦詩又適足寄其徜徉宜夫優游退處者多也志高潔

明

郝源字本清聰慧端慤長于訓詁於醫數學無不精曉荆王最雅重之授宮僚不就以子守正貴贈工部員外郎

陳曰恒字知德號石居散人著有逸興詩稿正德丙子

蘄州志

卷之十五

高潔

二五

郡守李素純書行義表其居子仁近仁民另傳

李朴字純夫正德丙子亞元歷官陝西隴州知州以直見忤調任不赴退居林下豪放於詩酒數年乃卒祀鄉賢

王鸞字應期正德年歲貢授餘干縣學訓導陞舞陽教諭善於課士予告歸猶窮經牖下澹泊寡營兩縣不能忘各載名宦

陳一賓字用世諸生科舉屢躋遂豪放自如時聚族人說家法著有元緝野人集

胡世則號乾封萬歷間官至雲南府太守有聲予告歸
日惟常餼鄉居自適

陳仁民字守治號龍岩由廩生就例貢授新喻主簿及
致政家居不殊布素端方誠篤里中稱爲長者晚與
弟仁近杜門却掃詩酒自娛不與外事

王允隆字爾錫性穎敏能文章甫成童爲諸生凡七試
省闈不售食廩餼曹偶推重終以例貢得補丞佐不
屑就出處無愆尺寸著有鶴枝館蓼堂等集

陳吾惻字大誠號朗臯州副榜仁近長孫母周氏工文

蕪州志

卷之十五

高潔

二六

詞嘗築臺舍側教惻兄弟無故不令下惻益究心典
籍著作甚富存者僅三角山會龍池記

國朝

李具慶字亞白兵憲樹初次子博極羣書爲州學生值
獻寇陷蕪全家罹難具慶被創妻暴創負之行

國朝定鼎歸居湖上防道呂延入雲門社與晏東白華
二華王盟文壇終絕意仕進晚號懷二著有芸香草

荷汀等集

張承俊字克灼州諸生布政邦翼孫同知效葵第三子

善唵咏兄承位令桐鄉每省視必艤舟西湖詠懷古
蹟卷軸至盈麓晚號杏園老人

李本淑字心尼號松筠孟春孫慣之子由文學入監考
授州判以親老不仕性謹厚行中禮法晚癖山水築
室於桂花亭教子讀先世遺書詩酒自娛不履城市
陳其功字銘常諸生弱冠卽有文譽嘗謂文不先行篤
修門內爲族屬矜式

張士灝字鄰遠歲貢生工詩文試輒冠軍性豪爽每酒
酣吟咏不休築園於城北顏曰梅隱晚益刻苦爲詩

蕪州志

卷之十五

高潔

二七

子樞另傳次栴諸生工詩書法尤精

李士俊字潤文號於英炳然從弟從遊於潛巖仇懷諸
公時加磨礪駸駸有得扁其居曰鶴原石室吟咏以
老著有鶴原集

顧普字康侯景星長子州諸生性純孝母蕭氏病篤顧
天祈禱願以身代母歿一痛幾絕父歿亦如之

張梓字琴質歲貢生才學優長文祖唐宋入家晚乃豪
放山澤間有物外吟集

陳文炳字兩則時流寇蜂起炳鳩集居民扼險設伏賊

不能害無意科名以明經老

李之琬字寶次弱冠爲州學生祖樹初伯延慶死於難琬承伯祀伯有二女一適貢生馮楫一適舉人張承位凡遺產與二女三分之篤行詣不入公門

陳其勗字彥臣博學不求榮進課子姪敦崇實行年八十州牧遲舉鄉飲賓

胡之偉字偉甫歲貢生苦讀書爲文必準繩墨屢躋鄉闈遂絕意科目作隴上吟

陳吾愷字仲悌郡諸生仁近次孫少與兄吾恂同師母

蘄州志

卷之十五

高潔

二六

教嗜學好古工於聲律並妙書法著有岫嶠草堂詩集藏於家

石爲璘字璠生號野航州諸生先世河南鄧州人父中玉以功授粵西叅將卒於任璘幼隨母扶櫬過蘄蘄營叅將爲姻舊遂家焉長從顧黃公遊凡詩文親承指授有野航草尤工書法性閑適輒一琴自隨時比之曼卿云

葉玉成字崑最性穎悟年十二補諸生短檠風雨讀書至夜分不倦蒔花種藥清趣自適

張仕厚字存古仕渾之弟讀書多冥會歛迹下帷不喜見賓客以歲貢司訓荊州府未久告歸舉鄉飲大賓顧秉恪字丹懷號滄洲州學生試輒高等築室於後嵩園擁書據案教授生徒多所成就不輕與讌會當事聞其名非公不見益重之

方彭蠡字石鐘號東滙歲貢生博學能文構室江干棲遲以老著有廻瀾集

田再高字甯宇明季亂棄妻子負父宗演得免

國初土賊馬連山鄭鼎生等踞將軍山仙人臺爲民害

蘄州志

卷之十五

高潔

二九

再高練鄉勇擊退之授職不就隱居教子弟以老

李澤兌字振秋本淑長子性穎異十歲能文弱冠以第

一補諸生博極羣書詩古文詞名噪蘄黃間有文集

藏於家

饒斌泰字文安少貧無力就外傳受孝經論語於其母

稍長學益進爲名諸生以歲貢司訓竹山循循善誘其邑自是多文學卒於任貧不能歸遂籍焉

李永昇字志南號青郊中康熙庚午鄉試性豪爽英敏

絕倫與同里張士渾馮以觀顧昌相友善每讌集賦

詩節響清越慷慨悲歌聞者壯之著有若鳧村集
王開翰字守東號杏橋少穎異十七爲諸生同伯兄開
泰讀書洪山寺泰選庶常翰數奇弗售與秦愚圃張
另齋輩文酒往還年四十一卒

鄭裔周字邵胄號闕吾州諸生早失怙恃刻志讀書屢
躋場屋遂放懷詩酒於同輩中稱豪士焉

李生彬字雉文少能文試童子第一補諸生友愛諸弟
門內怡然晚乃棲遲湖上以明經終

何光義字臣極州諸生獻賊屠斬闔門焚殲惟義獨存

蘄州志

卷之十五

高潔

三十

遂灰心仕進終日杜門焚香默坐罕有接其言笑者
李國華字耀宇貢生明季賊勢猖獗國華負母至深山
避亂兩弟幼被掠復計脫之人稱其孝

馮應舉字伯貞居心忠厚癸酉年賑饑又捐募關口河
渡田當事請獎力辭不樂名譽隱居山林

黃天祐字貞符州諸生篤於學後結廬於濟邑之青林
湖與舒峻極劉千里詩社往來屏棄一切

王興鈞字孟堅弟興鐘字金聲永壘子鈞諸生鐘太學
生兄弟孝友雍睦之氣溢於庭間外事無所與

張鏡字研修由諸生就例貢敦厚周慎不苟言笑晚猶嗜學手一卷無間寒暑後輩敬憚之

張樞字鴻緒號紫垣州學生少負大志屏棄一切讀書梅隱園終日夕不倦善書工吟咏著有矩軒詩集

李永甯字萬咸性醇謹喜讀書下帷攻苦人罕見其面以明經老

陳起書字公昇性穎敏讀書目下數行後以文就武試壬午科獲售書素饒方畧有膽氣然守法度足未嘗一履城市

蘄州志

卷之五

高潔

三一

呂玠字全蜀號濟川康熙戊子武舉公車一上不復圖榮進建星聚堂課子若孫妹適劉早寡玠爲資掖撫其二子妹得終節子三孫士模乾隆壬申舉人

王學喬字洪士工舉子業爲州諸生中年卽無仕進意吟風弄月寄傲於蒼松白石間

董堪字亦仲恩貢父文獻諸生年九十堪年七十不異孺慕以授徒世其業不與外事

李承先字黃序郡諸生家貧嗜學長於訓誥治壁經者多由指授

熊楚荆字漢南號玉山州學生爲詩有聲晚構別業潔
清自處詩見雨湖合刊

黃載華字砥南號鹿亭太學生性沈靜喜讀書質弱冬
夏不鑪扇日手一編兄弟相摩勵善詩古文詞雨湖
七子華與弟嶠皆與焉年六十六卒子式鵬尋卒孫
承堅梓其梧岡詩文及咏史百花吟等集

王開文字超儒號天峯州諸生操履篤實有古君子風
性敏悟能文章家居教子姪以文行相勉勵乾隆乙
丑學使者采其優行

蘄州志

卷之五

高潔

三

張世永字卜周篤學能文弱冠爲諸生屢困棘闈遂放
懷山水年逾八十

陳鴻猷字襄侯士眉次子少穎異九歲能文章嘗讀書
城北宛中菴屏棄一切由國子生考授縣丞以疾未
仕卒

王思述字宜山太學生父學古病足述扶杖納履不以
人代妹早寡爲購屋割膏田百畝與之撫其子成立
築南岡別業蒔花種竹其中有泉石之癖云

陳大孚字容吉州諸生素剛正不阿人有過失直言相

規不少假辭色晚年澹於世故筆床硯匣終日自隨
於經義多所發明

張炳文字崇姬號郁齋由例監考授州同所行一軌於
正晚築別業觴咏其中以一經遺其子不與外事

王世治字傅霖號雲區少能文就例以州貳謁選都中
聞母病趨歸踰年母歿遂無復仕進意築南山樓焚
香獨坐不伍塵俗

陳國凝字襄州郡諸生少有文名比長學益博洽順治
丁酉中副車自是屏跡山林詩酒嘯咏以終

蘄州志

卷之十五

高潔

三三

范公連號半園謹厚謙退閉戶謝塵以書法自娛非義
不苟年七十足跡不入公庭里人推鄉祭酒焉

陳之壘字北垣肇元長子少爲諸生後入例貢季弟於
柱夫婦早亡之壘撫兩姪如子

王世溥字量周例貢生少聰穎善屬文沉靜嗜學一時
從遊者遍閭里循循稱善誘焉

陳可坦字履吉郡庠生磊落有大志文酒談讌恢諧不
減晉人年三十餘卒所爲詩不自收拾多散佚人咸
惜之

駱三捷字克明好讀書年六十手不釋卷督課家塾
陳於棠字萼華號實齋由太學生考授州同爲人豪俠
重義不就選詩酒自娛栖息林泉以老

陳夢蘭字魯奇諸生資敏嗜學鍵戶讀書足不履城市
喜獎藉後學晚年寄情山水詩酒自娛年九十卒

余正古字道平歲貢生母年八十正古年六十依依孺
慕工舉子業遊於門者甚衆

陳坎字帝因性謹篤不輕然諾建祠置產族衆多倚賴
之爲諸生有聲以明經老

蘄州志

卷之十五

高潔

三四

王柯字育萬歲貢生居處深山好古籍以幽人自命搦
管爲文詞饒有逸致

王世沅字靈湘力學不售就例入國學生家居篤宗族
之誼遇非禮不動聲色怡情山澤晚字澹齋

駱藻字正音州學生性溫敏醜醜經史隨所往必携書
以行著有訥齋草門下成材者甚衆

胡應虞字文際號續齋州學生卜地一區築室一楹讀
書其中無子卒家人卽室爲葬所

以上錢志

張申字聖懷以明經授穀城學博勤校課一時多知名

士子舉人兆講先卒遂無仕進意歸築耕月山房數
椽植松種竹詩酒自娛自號松崖老人善詩古文詞
草書逼真懷素年七十六卒著有耕月山房詩集待
刊

陳綱文字心田號素吾天資英銳博覽羣書善屬文尤
工書法律謹嚴造句有唐人風味與陳愚谷吳巳山
兩先生爲道義交視名利淡如隱居教子課孫以詩
文自娛著有素吾詩草待刊子本中登賢書孫之原
連振俱庠生

蕪州志

卷之十五

高潔

三五

陳其殷字楚奎弱冠補弟子員鍵戶讀書久不赴鄉闈
庚午師友強就試遂獲售一試春官未售絕意進取
銓選知縣不就日以經史自娛著有知鑒錄五十六
卷續綱目八卷讀史餘言二卷善病精岐黃著有脉
法指掌經絡會解古方辨畧新方解畧醫學指要等
書藏於家

李承洛號瑩壺幼慧十齡應州試列前茅後登嘉慶戊
辰賢書授鄖西縣教諭終養告歸性癖湖山而淡於
宦情結廬雨湖南岸嘗作垂釣圖以自娛生平所作

詩古文詞不肯自存其稿僅留匡廬紀遊草一卷藏於家

胡鴻然字明卿號史逸山人沈靜簡質有儒者風三十餘棄舉子業遊心藝苑不預外事著有讀史管見十卷一峯堂集十二卷待刊

駱沛宜號醕菴布衣篤志學問視名利淡如著有事物尋源三卷蕉鹿詩草四卷古今詩翼十四卷一秤金一卷

陳洪綽字德優幼穎悟博極羣書弱冠時卽絕意進取

蘄州志

卷之十五

高潔

三十六

族丁繁督修宗譜葺事後築鮎山別業詩酒自娛不與外事子光誥孫立言俱庠生

宋人龍號心齋國學生宅心以厚接物以公惟尊師重道尤爲人所難及其兄隆壽好施與淡功名族鄰亦同聲稱之

何天評號退谷州諸生爲人沈靜寡言尤篤於孝友常鍵戶不與外事故自少至老足跡未嘗一履公庭年踰八十猶以讀書爲樂將告終臨期囑家人勿他適沐浴衣冠喚子婦孫曾羅於前坐而逝著有退谷詩

鈔

陳祐澐號六峯乾隆辛卯舉人受知於督學吳白華白華雅重其品學常款留任所爲忘分交澐淡於宦情平居惟以書卷自娛終晚年學術益精

劉之綱號松岩歲貢生束身自愛不入勢利之門惟手持一卷無間寒暑怡然不知老之將至子用璵廩生王彬德號布若恩貢生手不釋卷爲文才情超拔科歲試輒冠軍乾隆辛卯丙午房薦均以額滿見抑遂閉戶安命不入秋闈潛心教讀多所成就子占春庠

蘄州志

卷之五

高潔

三七

生

楊世銘號勉齋廩生性豪爽能文貧不能讀者輒助以膏火築室於城北荷池之傍顏曰藕花詩酒自娛不樂仕進卒年三十九士論惜之

王錦鱗號海門性聰穎目數行下博極羣書爲文自關蹊徑屢薦不售生平不預外事以明經終

蔡及選號顯賓性謹篤好讀書克承先志杜門不出惟以經史自娛

以上潘志

張源岷字過亭性高淡遠榮利以山水文籍自娛晚

益進於道有隱君子風自號隨緣山人

陳瑞龍號素雲附貢生沈靜好學老而彌篤年八十例得恩賜副榜竟不赴試聞者高之卒年八十六子錦江增貢生肇基歲貢生

楊炳岳號雲里性聰慧能書畫以詩古第一入邑庠兩經房薦癸丑髮逆亂入向忠武幕府多所筆畫以勞叙官廣文厯遊金焦鍾山諸勝所過名山大川發爲咏歌著有聽茄草還鄉集舟車吟及醉月吟霞館尺牘諸集

蘄州志

卷之十五

高潔

三八

王天麟號東村髡髻卽崑崙有大志家貧力學泊然寡營壯歲遊庠食餼州大夫林梧甫肇興義學聘爲西賓優禮倍至晚年教讀鄉塾成就後學以明經終童煜號霽樓廩生性樸直無俗累嘗鍵關默坐流覽百家遇有舛訛細心考訂爲文奄有大家風骨超然埃壘之外

張炳號星如州庠生喜讀書不圖上進每於披閱之暇蒔花種竹飲酒賦詩與遊者嘗服其淡於名利焉黃齡運號瓊林性穎悟涉獵羣書詩古文詞不肯拾人

牙慧晚年淡名利築室山陰以經史自娛州名宿何雪元吳展其時相往還多贈答焉子坤元諸生

出禮覲字鑾階幼積學三十後棄舉子業潛心古今體詩與同鄉陳愚谷宋玉山陳半菴相唱和著有林下吟詩集卒年八十一孫培翰 恩賜舉人

陳手瑜號瑾臣太學生性沈靜淡泊寡營僻處山林教子讀書以自適生平不談人短鄰里有負氣相爭者諭以至誠率多悅服年七十二卒子經國增生占沆監生椿諸生出嗣子台舉人

蘄州志

卷之十五

高潔

三九

朱燬威號鯁臣少積學洎長以親老侍養遂淡於進取居鄉教授以禮讓化族黨及門達者頗多族中今元燮元孝廉鼎元明經啟元尊程茂才皆出門下及卒門弟子猶惓惓弗忘云

陳鳳立號丹山太學少從族兄孝廉曉陵遊最久一時名宿咸相器重以嗇於遇中年後詩文自娛士林惜之子西庚進士

張志說字維岳諸生性情間雅好施與不慕榮利例遷陝西縣丞以母老乞終養不就自號退閒居士子維

仲州諸生仕耀歲貢生仕輝仁魁俱太學生

陳官秭號野人性疎野因以自號居深山古寺中罕與人接頗嗜飲或置酒招之亦欣然往醉則披襟捫蝨解鞵搔癢人多所不堪咸目之曰襤襤明天文象數之學善風角雅不欲以技術自見酒後偶言輒驗年五十餘終不娶其殆孫登之流亞與

陳美鈺字品尊進士良翼從孫家清貧以館貲自給奉母至孝教弟子言動以禮不喜與人接終日正襟危坐誦聲琅琅然出戶外非其義者一介不取年五十

蘄州志

卷

之十五

高潔

四

餘卒

童家鵠號立臣垂髫抱異質年十五以府首入泮旋食餼絕意進取以訓課子孫爲務晚歲貢明經子修林太學生小試前茅賁志歿孫樹嘉郡廩生

王裔棻號仙芝幼穎悟弱冠補弟子員家不中資自甘淡泊讀書外卽事賦詩怡情山水同人至惟談墳典俗務概不與聞焉

夏文斗號星北咸豐戊午副榜性豪爽不拘細故城居數十年無一字入公州人賢之

陳修五號白華好讀書不求聞達怡情山水間足跡未嘗履城市尤長於吟咏著有白華詩鈔藏於家胡際飛號蘭波郡廩生性廉潔日手周易一卷以自娛家雖貧泊如也著有圖書圖考五卷

程天驥號西來性篤實喜藏書籍弱冠有聲屢躋風檐洒如也年七十始受知於董鶴峽刺史拔冠多士成諸生咸豐辛亥 恩賜副榜

楊大紱號彬甫優增生爲虞部陳愚谷高弟好吟咏不慕榮利惟以山水自娛著有藕花書屋詩集

蘄州志

卷之十五

高潔

四一

鄧顯賓太學生志行高潔不樂仕進作室江濱潛心經史暇則釣遊自適有以俗務陳者幾掩耳不欲聞年八十八卒 從孫鳴謙太學生亦以清潔稱以上新增

